

Resolución do 25 de abril de 2023 pola que se convocan 6 cursos de prevención de riscos laborais no manexo da motoserra e rozadoira e se establecen as bases da convocatoria.

O Plan de actuación do Instituto de Seguridade e Saúde Laboral de Galicia (ISSGA) para o ano 2023 recolle no seu eixe 5 "Promoción da prevención e redución da sinistralidade" un programa específico para o **sector forestal, actividade da silvicultura e industria madeireira**, que inclúe o desenvolvemento de accións formativas en materia preventiva.

En consecuencia, resolvo:

1. Convocar 6 cursos de prevención de riscos laborais no manexo da motoserra e rozadoira.

Os cursos desenvolveranse conforme as bases que figuran no **anexo I** desta resolución.

2. A selección do alumnado realizarase previa convocatoria pública coa difusión polos seguintes medios:

- Páxina web do Issga.

E, no seu caso, a través de:

- Concellos nos que se van desenvolver os cursos.
- Empresas do sector, etc.

Santiago de Compostela, na data e hora da sinatura electrónica

A xerente do ISSGA

Adela Quinzá-Torroja García





ANEXO I

BASES DA CONVOCATORIA DE 6 CURSOS DE PREVENCIÓN DE RISCOS LABORAIS NO MANEXO DA MOTOSERRA E ROZADOIRA

1. Identificación dos cursos convocados, duración, número de prazas convocadas, lugares e contido:

Nº de edicións: 6	Nº de horas / edición: 15	Nº de prazas por edición: 15
Prazo de inscrición: dende a publicación da convocatoria ata cinco días antes do inicio do curso (o prazo é ampliable ata alcanzar o número máximo de alumnos/as).		
Lugares e datas:		
Provincia	Concello	Datas
A Coruña	Narón	Pendente. Publicarase na web do ISSGA
	Brión	Pendente. Publicarase na web do ISSGA
Lugo	O Vicedo	5,6 e 7 de xuño
	Lugo	Pendente. Publicarase na web do ISSGA
Ourense	O Barco de Valdeorras	10, 11 e 12 de maio
Pontevedra	Oia	3, 4 e 5 de maio
O ISSGA manterá actualizada na súa páxina web a información sobre as datas, horario e lugares onde se impartirán os cursos.		
Contido: 1. A SEGURIDADE E A SAÚDE NO TRABALLO (0,5 HORAS) Conceptos básicos sobre seguridade e saúde no traballo. Lexislación de referencia. Organismos públicos con competencias na materia. O ISSGA 2. A PREVENCIÓN DE RISCOS LABORAIS NO MANEXO DE MAQUINARIA FORESTAL (2 HORAS) A motoserra A rozadoira 3. OS EQUIPOS DE PROTECCIÓN INDIVIDUAL (EPI) (1 HORA) 4. PLANIFICACIÓN DOS TRABALLOS DE APROVEITAMENTO (1 HORA) Recoñecemento previo da parcela Organización do método de traballo 5. PRIMEIROS AUXILIOS E PRIMEIRA INTERVENCIÓN EN CASO DE ACCIDENTE (1 HORA) 6. PRÁCTICAS DE MANEXO SEGURO DA MOTOSERRA (4,75 HORAS) Identificación dos dispositivos de seguridade Mantemento, montaxe e desmontaxe de motoserra Manexo da motoserra. Técnicas de apeo, derramado e tronzado		



7. PRÁCTICAS DE MANEXO SEGURO DA ROZADOIRA (4,75 HORAS)

Identificación dos dispositivos de seguridade
Mantemento, montaxe e desmontaxe de rozadoira
Manexo da rozadoira. Técnicas de traballo

2. Obxectivo dos cursos:

Proporcionar unha formación específica ás persoas traballadoras e profesionais do sector en materia de prevención dos riscos laborais inherentes a estas actividades, coa finalidade de fomentar a adquisición de habilidades nesa materia así como a adquisición dunha cultura preventiva, e diminuír os accidentes laborais no sector.

3. Desenvolvemento dos cursos:

- O ISSGA publicará na súa páxina web (<http://issga.xunta.gal>), con antelación suficiente, as datas, horario e lugares definitivos onde se impartirán os cursos. Os cursos impartiranse previsiblemente durante os meses de abril a novembro do 2023.
- Os cursos teñen carácter presencial. É obrigatoria a asistencia e puntualidade a todas as sesións presenciais. As faltas de asistencia, non poden superar o 10% das horas de duración do curso aínda que sexan xustificadas, isto suporá a perda do dereito ao certificado de asistencia.
- Horario: o horario dos cursos desenvolverase preferentemente a partir das 16:00 horas, sen prexuízo de que se poida variar para facilitar o desenvolvemento das prácticas ou a asistencia. Os datos relativos ao enderezo do local onde se vai impartir o curso, confirmación das datas de impartición e horario serán comunicados ás persoas seleccionadas. Así mesmo, na páxina web indicada poderase consultar calquera outra información relacionada co desenvolvemento destes cursos.

4. Persoas destinatarias e distribución das prazas:

Persoas traballadoras maiores de idade con interese na actividade a que se dirixe o curso.

5. Criterios de selección:

No caso de haber máis solicitudes que prazas, os criterios de selección son:

- Grupo con prioridade 1: persoas con vinculación laboral ou formación (previa ou actual) na materia.
Unha vez seleccionado este grupo, a selección entre estas persoas realizarase por orde de inscrición.
- Grupo con prioridade 2: resto de persoal.





Unha vez seleccionado este grupo, a selección entre estas persoas realizarase por orde de inscrición.

Xunto a solicitude de inscrición, a persoa interesada entregará a documentación que acredite a prioridade 1.

6. Solicitudes:

As solicitudes efectuaranse utilizando o formulario que se recolle no anexo II que se atopa dispoñible en formato editable na web do Issga (<http://issga.xunta.gal>). O prazo para presentar as solicitudes remata cinco días antes ao inicio de cada curso, que poderá ampliarse ata alcanzar o número máximo de 15 alumnos/as por curso.

As solicitudes poderanse presentar por calquera dos seguintes medios:

- **Por correo electrónico, ao enderezo issga.formacion@xunta.gal**
- **Por entrega á empresa xestora, información nos teléfonos 981551704 e 659515371.**

Xunto coa solicitude deberá achegarse a seguinte documentación:

- Copia do DNI/ NIF / NIE/ Pasaporte
- De ser o caso, documentación xustificativa de pertenza ao colectivo prioritario (epígrafe 5, criterios de selección)

Esixirase un mínimo de 8 alumnos/as por curso. No caso de non chegar a este mínimo, o ISSGA poderá cambiar as datas previstas de desenvolvemento ou anulalo, o que se comunicará con antelación suficiente ás persoas solicitantes.

7. Acreditación da formación:

Ao remate de cada curso o ISSGA expedirá certificado de asistencia ao alumnado.

8. Control e seguimento das accións formativas:

O control e seguimento das accións formativas realizarase polo persoal técnico do ISSGA.

9. Custo dos cursos e financiamento:

A asistencia a estes cursos será gratuíta para as persoas seleccionadas.





ANEXO II

CURSO DE PREVENCIÓN DE RISCOS LABORAIS NO MANEXO DE MOTOSERRA E ROZADOIRA		
Concello	Provincia	Datas

DATOS PERSOAIS			
Primeiro apelido	Segundo apelido	Nome	DNI/NIE
Enderezo	Localidade	Concello	Provincia
Código postal	Teléfono	Enderezo electrónico	Data nacemento

DATOS PROFESIONAIS E OUTROS	
	Grupo de prioridade 1 para a selección do alumnado (formación e/ou emprego)
	Vinculación laboral coa actividade:
	Formación relacionada coa actividade:
	Grupo de prioridade 2 para a selección do alumnado (resto do persoal)

DECLARACIÓN
<ul style="list-style-type: none"> ■ Declaro a veracidade de todos os datos consignados nesta solicitude ■ Xunto copia do DNI/NIE ■ De ser o caso, xunto documentación que acredita que pertenzo ao grupo de prioridade 1 para a selección do alumnado: <p>.....</p> <p>.....</p>

INFORMACIÓN BÁSICA SOBRE PROTECCIÓN DE DATOS PERSOAIS	
Responsable do tratamento	Xunta de Galicia - Instituto de Seguridade e Saúde Laboral de Galicia
Finalidades do tratamento	Xestión da inscrición á formación solicitada, control de asistencia e emisión dos certificados de aproveitamento ou asistencia a dita formación. Desenvolvemento de accións formativas, de información e divulgación en materia de prevención de riscos laborais. Captación e difusión das imaxes realizadas durante as actividades. Xestión das listas de distribución para o envío de información doutros cursos, xornadas ou eventos similares que poida ser de interese.
Lexitimación para o tratamento	Cumprimento dunha misión realizada en interese público ou no exercicio de poderes públicos (Lei 14/2007, do 30 de outubro pola que se crea e regula o Instituto Galego de Seguridade e Saúde Laboral). Consentimento outorgado pola persoa interesada para a captación e difusión das imaxes da actividade e para o envío de información.





Destinatarios dos datos	Non se prevén comunicacións a terceiros Así mesmo, as imaxes captadas durante a realización das xornadas poderán ser difundidas a través de páxina web institucional da Xunta de Galicia e do ISSGA, informes de actuación e publicacións técnicas destes organismos.
Exercicio de dereitos	As persoas interesadas poderán solicitar ante o responsable do tratamento o acceso, rectificación, limitación, portabilidade e supresión dos seus datos, así como opoñerse ao seu tratamento, a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común segundo se recolle en: https://www.xunta.gal/exercicio-de-dereitos Así mesmo, as persoas interesadas poderán retirar o consentimento previamente outorgado dirixindo a súa solicitude a issga.formacion@xunta.gal . A retirada do consentimento non afectará a licitude do tratamento baseada no consentimento previo á súa retirada.
Contacto delegado/a de protección de datos e información adicional	https://www.xunta.gal/informacion-xeral-proteccion-datos

Autorizo o tratamento dos datos para a captación e publicación das imaxes.

Non autorizo o tratamento dos datos para captación e publicación das imaxes.

Autorizo o tratamento dos datos para recibir información doutros cursos, xornadas ou eventos similares que poidan ser de interese.

Non autorizo o tratamento dos datos para recibir información doutros cursos, xornadas ou eventos similares que poidan ser de interese.

SINATURA DA PERSOA SOLICITANTE	
Lugar:	Data:

DESTINATARIO

Xerencia do Instituto de Seguridade e Saúde Laboral de Galicia

